



Broj: 06/3-50-1-76-27-1/11
Sarajevo 27.07.2011. godine

ZAPISNIK

27. sjednice Odbora za žalbe građana Parlamentarne skupštine Bosne i Hercegovine, održane 27.07.2011. godine

Dvadesetsedmu sjednicu Odbora za žalbe građana Parlamentarne skupštine BiH sazvaо je Mate Miletić – predsjednik.

Sjednici Odbora, u svojstvu članova, prisustvovali su: Borislav Radić – drugi zamjenik predsjednika, Ermin Pešto, Marijan Milićević i Hamida Karčić - članovi, te Aida Kreho – privremeni sekretar Odbora za žalbe građana Parlamentarne skupštine Bosne i Hercegovine.

Sjednici, iz opravdanih razloga, nisu prisustvovalе Amela Bašić i Danica Berić.

Sjednici su, također, prisustvovali: Mugdim Vranac i Rasim Redžo iz Granične policije BiH, te Zoran Brkić iz Sektora za odnose s javnošću Parlamentarne skupštine BiH.

Sjednica Odbora počela je u 10 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 26. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavke na rad pripadnika Granične policije BiH (izvjestioci: Mate Miletić; Ermin Pešto);
3. Tekuća pitanja.

Dnevni red je jednoglasno usvojen.

Ad.1. Usvajanje zapisnika sa 26. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 26. sjednice.

Ad.2. Razmatranje predstavke na rad pripadnika Granične policije BiH (izvjestioci: Mate Miletić; Ermin Pešto)

Ermin Pešto podsjetio je članove Odbora na sadržaj predstavke broj: 05/2-50-1-76-23-4/11 od 19.04.2011. godine, te na Zaključak prihvaćen na 23. sjednici Odbora kojim su članovi Odbora ocijenili potrebnim sačekati sa izjašnjavanjem o predstavi, dok se izvjestilac ne upozna sa dodatnom dokumentacijom i video zapisom. U skladu s tim, g. Pešto je obavijestio članove da je zaprimio video-zapis, te da se upoznao sa sadržajem različitih evidencija koje

se vode pri Graničnoj policiji, te da je prisustvovao i razgovoru sa podnosiocem predstavke. Imajući u vidu sve prikupljene podatke i informacije, izvjestilac je predložio da se Izvještaj Granične policije BiH, kojim se predstavka ocjenjuje kao neosnovana, prihvati. Članovi Odbora *jednoglasno* su podržali prijedlog g. Pešte.

Također, g. *Pešto* zadužen je kao izvjestilac i po predstavci broj: *05/2-1-76-23-9/11 od 16.05.2011. godine*. Nakon što je podsjetio članove Odbora sa detaljima ove predstavke, g. *Pešto* je zamolio predstavnike Granične policije BiH da odgovore na pitanja koja su se ticala kategorizacije graničnog prijelaza na kojem se podnosilac predstavke nalazio, te osnovu izdavanja prekršajnog naloga.

Predstavnici Granične policije BiH konstatirali su da je MGP Ivanica granični prijelaz za putnički saobraćaj, te da prelazak teretnih vozila na tom graničnom prijelazu nije moguć. Međutim, predstavnici Granične policije upoznali su članove Odbora i sa praksom Jedinice Granične policije u Trebinju kojom oni dozvoljavaju prelazak teretnih vozila i na tom prijelazu, ukoliko je teretno vozilo prazno, odnosno ukoliko ne prevozi teret u tom trenutku. Istovremeno, naglasili su da se takva praksa provodi isključivo u vremenskom periodu od 07:00 do 19:00 sati, obzirom da su tada na graničnom prijelazu prisutni i carinski službenici, te da prelazak nakon 19:00 sati uveče do 07:00 sati ujutru nije moguć. Prekršajni nalog izdat je u skladu sa Zakonom o graničnoj kontroli, te njegov zakonski osnov nije upitan.

Po okončanju rasprave, izvjestilac je predložio članovima Odbora da prihvate Izvještaj Granične policije BiH, kojim se predstavka ocjenjuje kao neosnovana. Također, g. *Pešto* je predložio da se Graničnoj policiji BiH dostavi preporuka kojom će se tražiti striktno pridržavanje odredbi ugovora o kategorizaciji graničnih prijelaza, s ciljem smanjenja broja predstavki koje se ulažu zbog nepoštivanja utvrđene kategorizacije graničnih prijelaza.

Mate Miletić je, također, članovima Odbora prezentirao dvije predstavke za koje je zadužen kao izvjestilac. Prije svega, g. *Miletić* je članove Odbora upoznao sa sadržajem predstavke broj: *05/2-50-1-76-25-4/11 od 21.06.2011. godine*. Imajući u vidu da postupak po ovoj predstavci još nije okončan, izvjestilac je zamolio predstavnika Granične policije BiH da u kratkim crtama upozna članove sa do sada provedenim radnjama.

U skladu s tim, g. *Redžo* je upoznao članove Odbora da je sa podnosiocem predstavke obavljen razgovor, te da je on samovoljno odustao od žalbe, ali da će se istraga nastaviti po službenoj dužnosti. Svi raspoloživi dokazi će biti prikupljeni, te će se izvršiti identifikacija policijskog službenika od strane podnosioca predstavke. O rezultatima svih provedenih radnji, članovi Odbora bit će na vrijeme obaviješteni.

U skladu s navedenim, postupak po predstavci se nastavlja, te će se o njoj članovi Odbora izjašnjavati na jednoj od narednih sjednica.

Druga predstavka, broj: *05/2-50-1-76-25-3/11 od 21.06.2011. godine*, također je još uvijek aktualna. Izvjestilac, g. *Miletić*, je upoznao članove Odbora sa detaljima navedene žalbe, te riječ dao predstavniku Granične policije BiH.

G. *Rasim Redžo* je upoznao članove Odbora sa dosada provedenim aktivnostima po ovoj predstavci, te rezultatima do kojih se došlo. Imajući u vidu da se radi o dosta nejasnoj predstavci, koja sadrži i nekoliko netačnih podataka, te da je veoma je teško prikupiti sve informacije, postupak po predstavci još nije okončan.

Ad.3. Tekuća pitanja

Pod ovom tačkom Dnevnog reda, predsjednik Odbora upoznao je članove sa tijekom rasprave i ishodom sjednice Zajedničke komisije za odbranu i sigurnost, održane 20.07.2011. godine, a na kojoj se razmatrao Izvještaj o radu Odbora za 2010. godinu. Tom prilikom g. Miletić je istaknuo da je Izvještaj pohvaljen, te da su kao naročito značajne primjećene aktivnosti koje je Odbor imao na terenu, prilikom posjete graničnim prijelazima. Također, naglasio je da je Odboru iskazana podrška za nastavak svih aktivnosti koje je i do sada obavljao, te izražena spremnost da Parlamentarna skupština učini sve sa svoje strane da se Odboru osigura nasmetan rad.

Sjednica Odbora za žalbe građana završena je u 11:00 sati.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić